

定山堂詩集

定山堂詩集卷二十六

七言律詩十一

百十九首

清源再訪魯挹菴總戎卽席賦謝

送吳見末守潮州和燕友韻

四首

初春友沂園次宮用過集寓齋

送雪舫出關

四首

上巳同友沂漢石伊人集團次玉琴齋

二首

仲生學士邀同洞門園次友沂庭表歌起諸

子遊摩訶菴飲松林寺有吳客數人歌花

下 三首

屢過長椿寺禮誦因贈默和上人

二首

陳昌箕下第後以廣文歸闔兼簡櫟園

二首

初夏過仲調慈仁寓齋聖秋適至

友沂坐中重送昌箕

送旣庭歸吳門

二首

輓石疏母夫人許太君

二首

沈雲賓赴舍山尉和懷文韻

二首

輓李慶餘侍郎

送王恥古給諫假歸

二首

送戴經碧太史叅藩江西

二首

階六招同琳芝侍御飲中卽事

送文漪之天雄

二首

夜集聖秋齋中

二首

洞門招同琳芝看家樂時階六石江共集坐

中和友沂韻似琳芝

喜伯紫至都門和長益洞門韻

二首

綺季招集池上別寓時將有西江之遊

二首

定山堂詩集

目錄

卷二十六

除夕柬何子楚音

除夜守歲用空同歲暮五首韻

人日友沂招同諸子集邸齋用唐人韻

穀日夜雪和談長益

寄雪舫

元夕雪後伯紫綺子過集和空同韻

二首

石仲生學士雪後招飲金魚池閣

送顧松交考功假歸吳門

四首

贈陳給諫階六

二首

送李琳芝侍御察荒中州

二首

同伯紫賦送綺季之晉陽

二首

輓趙太君張夫人

二首

送陳康侯返武林和聖秋韻

四首

花朝米紫來嚴方貽招同諸子集汪園卽席

賦二首

再送方貽

寄施愚山學憲兼壽其四十初度

送周立五太史需次南歸

二首

和櫟園渡河答介壽因悼仲玉兼懷彥遠

韓大令叔夜將之永嘉值其初度同伯紫賦

贈

送李過廬太史叅藩覃懷

二首

送談長益同過廬之覃懷

二首

爲梁玉立司馬題栢棠村牡丹圖

二首

送嵇爾遐司李嚴州

二首

送仲舉同爾遐南行

二首

三月三日雪後

二首

送方孟甲之晉陽

三月二十三日見西山積雪

送伯紫從金陵之閩中

二首

閏三月十二日張司空招集慈仁寺看海棠

余與洞門先至

二首

黃薛侯客部招集水亭陪吳江相國次劉何

寶韻

吳江公日雨先歸遣急足以和詩馳示卽於

紙尾奉答

喜仲生擢少宰 一首

謫後三遷至上林丞慢成一首

送夏山尊之新泰尉 二首

李退菴通政招集秋飴雨中卽事

宋其武太史招同諸子集季滄葦侍御齋中

時邁生任坐

同集者王襄璞姜定菴陳階六謝爾玄

雨中飲金紫汾給諫寓園奉陪吳江公

送何實樵關江州 二首

午日王襄璞方伯招同仲牛其武階六滄葦

青輿薛侯集金魚池

五月初八日雨雹

和孫退谷少宰寄李梅公司馬

疊前韻贈退谷

退谷將有山中之行再疊韻寄訊退翁亭子
夏夜同蒿菴階六韻初石公集薛侯池亭再

疊壁間韻

雨中同聖秋友沂過放生池晤徹機上人

階六招同襄璞薛侯爾玄滄葦飲雙槐下限

二韻

偶感一首

定山堂詩集卷二十六

姪嘉穡

淮南龔鼎華孝升著

男士稹全較

弟鼎璚孝積訂

士稚

順治丙申使粵迄
康熙辛丑邸舍稿

七言律詩十一

清源再訪魯挹菴總戎卽席賦謝

華屋重來縱玉壺經年離思海雲孤關山雪後鴻
仍返簫管天涯夜未徂嶺表骨憐銷蕙苒樽前人

記把茱萸鵬盟不礙麒麟閣早繫吳船待病夫

有君

南遊
之約

送吳見木守潮州和燕友韻

隔歲風烟萬里游錢塘簫鼓問迴舟却憐花發羅
浮路又值人分宛雒秋雲細鷓鴣啼急峽雪晴蛟
蜃蹴中流懸知嚴助承明出彩筆方春一倚樓

其二

西山寒日映朱絲尚憶羣賢拄笏時驄馬幾看同
雨霰鱷魚今又避旌麾汝南風俗清流傳

若以各
尚數難

陶白下賓朋別墅基到日石湖春漲綠爲言吾夢

繞江籬

托懷江上并石城諸子

其三

玉帛南天自一家條風燕雀靜鳴笳張燈客醉春
星落迴騎書成嶺雁斜地遠轉蓬增白髮裝輕攜
研抵丹砂枕榔樹下留歌嘯莫訝炎荒瘴癘餘

并懷

嶺南諸同志

其四

經行處默投香渚信汝家風萬壑清况有閩天傳

戍鼓須令軍府憚書生征徭實望隨車雨農戰能
消下瀨兵還向中林延隱逸陳蕃儒術重公卿

初春友沂園次宮用過集寓齋

古市風沙隔幔低傍城人柳碧初齊愁中芳榼來

河上

欽瞻侍御
寄酒至

燭外春星帶屋西百罰客應深駐

馬五更心總怯聞雞逢花步履還乘興可憶烟霜
舊解攜

送雪航出關

灞陵柳色正驚春目斷渝關有去塵瀕死

主恩留直道餘生天意屬衰親霜疑袖草千行血
夢繞觚稜一葉身莫爲芳蘭悲剪伐時清福已傲
靈均

其二

十年交戟快英游薑桂心孤縞帶秋豈有盛名連
北寺空煩黨論及西州青天羽翼排雲逝白日雷
霆夾仗收回首長安文酒地幾人生計到歸舟

其三

雪銷亭障靜鳴笳萬里鄉心旅雁斜鍛翮世偏驚

定山堂詩集

七言律詩

卷二十六

驚驚全生道在學龍蛇乾坤浩蕩餘雙鬢骨肉飄
零尚一家百鍊勿辭堅閉戶

聖明早晚念長沙

其四

停轡天隅問索居羣賢餐飯近何如刀環漸啓流
人路楯陞長懸諫獵書星嶽孤忠明賜玦朝廷
本意重牽裾病夫頭白無餘事日爲蒼生望犢車

此東吉津天中
雪海諸君子

上巳同友沂漢石伊人集團次玉琴齋

天氣佳連杜曲多鳳池停珮早鶯過春催花事經
寒食酒汎蘭亭憶永和分日遨遊堪秉燭先一日
清明
浮雲身世易張羅青郊結伴扁舟好江左衣香散
碧波

其二

漸近中年哀樂殊過逢勝日興難孤談深漏水淹
三箭地入春樽得五湖芳草平沙看躍馬故人幽
巷對栖鳥那能蹴鞠鞦韆外白日高眠一事無

仲生學士邀同洞門園次友沂廷表歌起諸

定山堂詩集

四

卷二

子遊庠訶菴飲松林寺有吳客數人歌花

下

芳郊晴日快招攜橋外沙明碧玉蹄花氣煖薰殘
酒後草痕青過古城西鳴鳩入寺春無賴野衿逢
山老更迷回首珠林烽火路十年京雒媿雞棲

其二

風塵隔處卽川巖但許當歌口不緘坐愛游絲牽
白日狂容翻酒污輕衫鳴騶地放雙柑語早雁人
停萬里帆終信短筇歸計穩故林松桂未全芟

其三

谿引濃春一徑通
朱絃入坐調偏工
杏花節過山
收雨薜荔樓開客避風
何地繁香宜步障
幾時薄
醉更青驄
南皮北海紛車蓋
蓮社天容此會同
屢過長椿寺
禮誦因贈默和上人

經行祇樹值春殘
日有飛花落講壇
兒女淚枯生
淨域河山劫過認
蒲團林香怖鴿栖
檐穩飯罷馴
龍洗鉢寒身許
雙峰慚晚暮
蓮房軟語坐更闌

其二

珠宮締構紀當年零落明霞寶網前一自香燈延
夏臘重令金塔敞秋烟道林鶴爲慈雲下法喜泉
會海月圓坐見四方瓶拂盛帝城鐘磬擁諸天

陳昌箕下第後以廣文歸閩兼簡櫟園

片帆南下水烟平花落鶯啼黯鳳城已許文章懸
日月翻憐等輩倦公卿入林水簟三山曉蠟屐晴
霞萬里生吳越勿辭淹信美海天消息正論兵

其二

榕樹壇開首藉秋故人文譙散清浮

櫟園方就急徵高名

虎觀初分席何客元龍更上樓風義遠投文舉袂
生徒羣挽李膺舟京江愁眼看來雁爲說樽前已
白頭

初夏過仲調慈仁寓齋聖秋適至

花落春城客掩關松陰長日一窻閒爭憐江海廻
南雁飽歷風塵讓北山把臂幾人堪白首入宮何
計不朱顏蕭蕭酒盡悲歌起共指秋林薜荔還

友沂坐中重送呂箕

雨過蒼翠落羣峰逸興衝泥晚倍濃花外燭明中

聖酒城南人隔未央鐘

是夜早朝

風烟別後愁雙鯉頭

腹樽前總一龍爲羨返轅黃叔度東京題拂忌君

宗

送旣庭歸吳門

右文盛世恩難側斧鉞弓旌並日開尙有雄風悲
九辯虛將水鏡信三台運當名士遲霄漢天遣奇
書富草萊寄語可中亭畔月扁舟吾擬及秋廻

其二

急雨空堦響二更燭華偏對病夫明難堪虎兕歌

原野忽漫驪駒動渭城碧草長河過戍騎青山夏
木老啼鶯匡時鐵石期吾黨不盡梅花玉笛情

輓石疏母夫人許太君

吾家逸少忝門闌倚玉真當繞膝看恩徹死生偏
浩蕩手攜兒女互團圓頻容世講絲蘿附苦慰衰
宗困宅殘腸斷潞河雙旆出朔風吹淚向長安

其二

尚記西州扣策時星沉寶婺豈勝悲文章國士逢
先達綦綰家風拜女師花外斗壇明夜燭

太夫人
爲吾金

陵陽人禮
斗祈嗣

柳邊游屐數歸期
跣趺一夜香雲繞同

向諸天禮淨慈

沈雲賓赴含山尉和轅文韻

金管春風茂苑初
黃塵京雒馬蹄餘
鄉心久逐南枝鵲
旅食虛傳幸舍魚
到岸江山迎手版
臨觴楊柳緩征車
一官梅福仍游戲
莫遣歡場老大踈

其二

葵榴風漾綠波明
忽漫王程故國行
醉後榻逢東閣下
邸中綬比會稽輕
農桑地僻春三戶
枹鼓宵

停月一城遙識河西腰折後沈郎革帶耐秋清

輓李慶餘侍郎

爭傳伏枕憂天事直節還應邁史魚縱使丹心紆
玉陛久知清淚灑爰書旣懸四海水霜滿頭白千
山戰伐餘簪履主恩知不薄甫聞側席挽迴車
送王恥古給諫假歸

退朝每愛接金魚高館星殘置酒初漢代公卿尊
禁闥聞天鼓角問林廬壯遊爭負前驅弩去日猶
傳上殿書回首桑乾多過雁晚花蕭瑟子雲居

其二

賜沐恩深孝治年
蕉紅榕綠待歸船
松門涕淚憂天後
海國帆檣借箸前
農事江南留獻納
詩篇戰罷補山川
近逢止輦容狂直
鳴鳳何時到日邊

送戴經碧太史叅藩江西

驪駒記送南陽節
今日西江錦纜同
宰執除官先上第
朝廷前席有家風
履聲爭憶三台省
彩筆方懸五柞宮
玉笛離亭斜雁外
菊花幽巷老孤蓬

其二

滕王高閣臨南浦沙月曾停萬里船
訓客江山餘感慨清秋檠戟下風煙
軍書挿羽嘗千舸礪土燒畚耒十年
賦斂早憂民力竭古來相業重旬宣

階六招同琳芝

晚花香傍綠樽開百尺招邀驄馬來
此度賜環恩

更重一生攀檻老難迴

琳芝三復官矣

天心最識批鱗苦

時論從誇繞指才頭白故交須盡醉
黃沙戍角夢頻催

送文漪之天雄

射鴈沙湧朔雲黃雁去桑乾下夕陽三輔月寒吹
角壘五陵花近打毬場探丸急避東都俠彈瑟休
沾北里香極目大河心滾滾長干樓閣鎖垂楊

其二

題詩記送龍湫別殘燭丹陽客語孤飄泊風烟今
晚暮攬持白晷已髭鬚清霜十月催征騎落日三
關映湛盧班傅功名須努力病夫身早屬江湖

夜集聖秋齋中

十年霜菊龍潭夜對酒空堂落月孤殘燭醉重眠

草閣客愁繁較數花鬚親朋老大懸三徑兵甲乾坤妬五湖成柝早寒人欲別秋風庭戶閉吾徒

其二

節過重陽花漸稀邊城玄雁帶星飛孤蓬歲月頻看鏡雙杵關山早授衣素舸那禁鷗鳥逝空齋清負蟹螯肥却思衰柳長干路風雨登臨醉不歸

洞門招同琳芝看家樂時階六石江共集坐
中和友沂韻似琳芝

十四年前諫草寒此宵明月耐同看素交正愛鬚

如戟畏路何當髮指冠縱酒客多三黜後聞歌身
似萬峰端銀簫絳燭春風滿恰有青霜凍玉盤

喜伯紫至都門和長益洞門韻

隔歲同登周處臺菊花寒共鬢毛摧孤舟愁對江
風別雙屐驚衝朔雪來乍看形容吾老懶重過門
巷汝疑猜酒錢不爲長貧減但少巡檐一笑梅

其二

清秋望遠幾登臺薄醉狂歌興未摧萬事江湖慙
計拙一年燈火似君來如聞朱戶頻虛席可勝青

溪舊引杯昨夜風高坤軸動萍踪真自倚鹽梅

綺季招集池上別寓時將有西江之遊

雪後柴荆聚酒徒開燈殘夜有棲鳥還憐短棹寒
江別此去長安好月孤書卷霜華留晚幕郊壇風
葉悵凋枯香爐茗椀清如許興過秦淮水閣無

其二

醉落檐星駐玉驄天涯離合感飄蓬浮雲未散銅
駝陌落日曾過鐵柱宮水後鄉心生遠鱸春晴匡
頂問歸鴻柴桑大有籃輿在好助風流攬轡中

除夕東何子綈音

能詩今古推何遜
酒態還聞叔夜狂
京國風塵空老大
雲霄羽翮幾飛揚
飽看世路思江海
數過門羅散雨霜
明日長楊春色動
玉壺同繫紫游韁

除夜守歲用空同歲暮五首韻

三冬又逼椒花候
萬乘初迴羽獵風
遂有清霜消永夜
卽知佳氣滿回中
高城漏入銅龍迴
綺陌春隨玉輅通
還憶朝元驄馬曙
金盤傳賜未央宮

其二

征南兵甲過紛紛數有甘泉捷騎聞英布九江傳
檄至嫖姚五道出師分碧雞回望樓桑月金角重
驅貴竹雲計日務農停戰伐天山閒卧紫駝羣

其三

雪霽觚稜瑞靄生風傳宣曲九韶鳴祥刑共信

天王意奏頌平迴地軸驚滿眼賓朋殘臘換中宵
星斗泰階明深居薄祿慙無補楊子嘲成自絕纓

其四

西南王會方重譯正爲蒼生息繭絲吳楚梯航終

易集堯湯水旱至今疑宣房畚鍤年年動戰地桑
麻宛宛垂閭闔更聞求治切碧梧新長鳳凰枝

其五

前年嶺嶠扁舟隔玉珮過逢慰旅栖

嶺南除夕萬
秋岳見過

里心懸神虎仗千盤路繞鷓鴣啼逢春涕淚偏兒
女垂老勲名只杖藜稍幸貴游車騎減故人消息
碧山西

人日友沂招同諸子集邸齋用唐人韻

煖浮生菜玉盤開元日從今霽始回四海草堂俱

作客五陵花勝競銜杯雪消沙磧迎歸鴈風麗江
鄉落早梅春到玄亭還寂寞甘泉獨數子雲才

穀日夜雪和談長益

負暄漸愛親朝旭卧穩低檐雪亦宜陰霧恰看今
夕合耦耕須及太平時卽愁絕微橫戈冷苦望方
春問喘誰三白農人忻頌瑞醉憑庭樹影離披

寄雪航

鐵嶺緘題旅鬢霜寒鴻迢遞過漁陽途窮直道應
無悔身在君恩豈易量烏樹風沙依佛火蠹書

歲月傲空囊夢回兒女江湖遠每飯貧交意未忘
元夕雪後伯紫綺季過集和空同韻

乍晴紫陌喧銀蠟勝賞能停羽爵飛燕地雪霜連
夕轉江關簫鼓十年違更長不厭鳴雞亂曲罷真
憐並馬歸鳩鵲星繁還佇立五雲深處正宵衣

其二

一年圓月今宵始霧霽林空見羽毛長樂鐘頻迴
玉輦昆明烽好息征袍逢花準擬芳郊醉過眼紛
誇錦絡高肯遣春帆就漁火江東煙樹水滔滔

石仲生學士雪後招飲金魚池閣

水亭曠似碧山無學士銀魚酒重沾雪霽光猶含
檜枯沙虛白欲動江湖人從病後親紅燭興憶春
深長綠蒲夜色高寒天闕近萬家樓閣晃冰壺

送顧松交考功假歸吳門

前春記判昌亭袂今日春帆又送君我已飄蓬增
白髮誰能揮手謝青雲門開藻鏡清如水客坐冰
壺醉不紛長訝閒庭幽鳥散故人玉佩過斜曛

其二

衰遲久負當時意拂拭猶同故劒看高議幾人排
衆發微躬經歲乞歸難冰暄野磧迴沙柳雪炯輕
鷗下急湍問訊吳江舊烟水好留一壑待漁竿

其三

諸侯玉帛車門集可是丹青拂袖時襍被此行真
勇退酒杯何意亦堅辭青春謝客容高枕白日看
雲笑奕棋辛苦羣公身老健百年馬棧耐栖遲

其四

辟疆園對王珣宅一卧蒼生望謝公薄海漸聞兵

華定三吳詎信繭絲同平消霜霰虞羅後細剖驪
黃夾袋中名重朝廷深記憶那能薜荔穩江東

贈陳給諫階六

錦燈纔過漸花時春讌爭歌柰樂詩膝下石麟驚
代種袖中諫草補天絲鄭莊四海爭通驛韋曲雙
柑任轉鸛攬鏡勲名頭未白彩毫還與畫蛾眉

其二

十年垂釣楚江濱威鳳文章海鶴身解薜心何慙
洞壑飛書手已觸星辰肯從寂寞存知己竟有乾

坤累酒人早勸 賜租兼祝網太平禮樂待還淳

君爲禮垣

送李琳芝侍御察荒中州

親見攀車淚萬行 金昌城下水茫茫
圖書淨對三吳雪 緹騎驚無一鶴裝
河內火寧煩汲黯 都亭輪久憚張綱
戰餘民力還深惜 閭閻春開待皂囊

其二

嵩雒行行雨滿轅 桑麻扶杖總君恩
已傳封事關陞遠 尚喜新詩牘背存
柱下汝爲真鐵漢 山中

吾有舊柴門安危促膝須籌策分手風烟那足論
同伯紫賦送綺季之晉陽

聞道西行有萬山薄游何事馬蹄艱沙侵凍柳枯
難折春發樓桑客未還俠少并州添酒伴長安明
月望刀環忍看分手啼鶯到楊子蓬蒿晝掩關

其二

長干水閣杏花春杯酒江山興倍新朔塞已憐陽
夢遠短蓑况作雁門人三河日落驅殘騎二月林
香動葛巾終愛喧風薇蕨長倦歸鄰並號山民

輓趙太君張夫人

眉案猶疑笑語真六珈未改五噫身青燈夜漏開
霜簡白首機絲伴角巾禁掖大名看眎草湘江歸
夢緩垂綸熟知班孟芳型遠車馬登堂四海人

其二

帝京明月廣陵城才子文章似長卿座上每容長
夜醉星殘猶聽隔簾箏憂天雙袖當筵淚愛士千
秋到薦情更有蓮華飯蘭若七行寶樹證無生

送陳康侯返武林和聖秋韻

客愁準擬逢春減天氣殊佳汝却回那忍玉河無
柳折生憎潞水已冰開鴻飛江海孤雲路龍躍風
塵二陸才紅燭早梅纔昨日深宵醉許接離陪

其二

長安大道青絲騎過眼紛紛項領成一榻喜連才
子話五湖相逐故人情輕風沙苑看迴獵圓月高
樓問炙笙尚有閒心存寂寞和歌音較玉琴清

若和

余答方
貽詩

其三

曾傳九日巾車至山雨翻飛木葉涼誰遣菊華虛
對酒可憐風笛又迴腸沙晴歸雁千行近帆落層
湖萬頃光不分西秦韓庫部扁舟先繫草廬傍

秋也

明聖

其四

清門忠孝兼文藻法護僧彌幾弟兄此去煙霞開
倦眼勿從京雒數狂生歸心並急春江水末俗終
尊處士名最記綠流乘素舸短簫親傍畫橋行

花朝米紫來嚴方貽招同諸子集汪園卽席

賦

長安明月春無賴一醉芳園卽當家
薄海幾人同步屨甘泉今夕靜邊笳
是日滇南捷至難逢砥室繁香發
實愛空庭老樹斜排日錦驄油壁路
招攜莫負五陵花

其二

似開幽徑江湖遠車馬何緣得此宵
雜坐暖應迴碧草深樽歡欲動春潮
林鶯索侶鳴將急海鶴眠堦懶故驕
自倚北山松桂興淹留又度百花朝

再送方貽

醉過花朝纔十日扁舟今果屬歸人若無雲物兩
峰美肯負京華二月春捉麈彈碁幽客共羨康侯同行也
黃鸝紫燕江臯新不恨別離愁思劇恨吾將去復
逡巡

寄施愚山學憲兼壽其四十初度

太白玄暉已千載敬亭雲氣好誰看波瀾獨老今
詞伯齊魯諸生共講壇興到江山渾感慨官因朋
舊轉清寒君年方健吾衰醜何日朱絃對榻彈

送周立五太史需次南歸

瘦馬西山拄笏多天涯拙宦共蹉跎

君官同丞余同簿

何

期短簿令公喜數倚長松待客過去舸青春催岸
柳開杯纖月散烟蘿飽看沙路車生耳易說幽巖
一放歌

其二

當時簪筆承明侶袞袞雲霄急羽翰一自閒居耽
頌酒相逢遷客羨無官薄裝烏雀門先改蓬鬢乾
坤眼暫寬趣駕興防高臥淺肯將勝日負林巒

和櫟園渡河答介壽因悼仲玉兼懷彥遠

蒼蒼落日沙吹面何事扁舟犯浪過天使吾徒衰
鬢早君能險地故人多傷心廣柳雲橫嶺記采吳
菱晚弄波獨羨孤山高臥者老梅少婦慰蹉跎

韓大令叔夜將之永嘉值其初度同伯紫賦

贈

永嘉巖壑擅江東羨汝啼鶯逐短篷隔歲寺寒殘
葉後過春衙放曉山中清樽且快花時雪戰鼓行
迴海國風伐木興分康樂展烟霞吾嬾尚能同

送李過廬太史叅藩覃懷

飛騰方岳官非薄，豈似窮交老謫居。
禁內緣誰爭罷直，河間隔歲憶同車。
朝廷寄託先中土，弩矢風流映子虛。
鈴閣清貧知不厭，蓬山未改道人

其二

卷幔太行山盡出，薄游樂亦勝三公。
好留桑柘租庸外，遍采風謠史筆中。
楚嶂春連將母近，漢庭業待補天雄。
此邦藥物扶衰蹇，肯託雲鴻問朔風。

送談長益同過廬之覃懷

紅燭天街春十夜把君詩卷豁窮愁

長益有燕京正月十一日

至二十日詩

過逢忽忽花經眼惜別淒淒雪滿頭萬事

壯懷銷道路三江潮水接扁舟故人心事還堪傍
長嘯南樓笛裏秋

其二

北平游罷書先就關塞蕭條不素餐

君爲王叔脩永平志此

去中原風更古肯將長鋏老輕彈山川戰伐留詩
史薇蘇行藏保歲寒暇日登臨須極望玉泉雲樹

幾同看

爲梁玉立司馬題栢棠村牡丹圖

此花爲少保公手植

今四世矣

二月已過花未放
銜杯况值三春終
那期冰雪遮老眼
却有圖畫開芳叢
風幄午陰行爛熳
青林嶽色長
龍嵒玉壺一日須一醉
坐看朝野歡娛同

其二

清門累葉推公望
不數相君忠孝家
卽令四海破霖雨
豈可三徑無煙霞
疇昔人才盛慶曆
至今父

老猶咨嗟司馬強食活百姓寄謝栢棠村裏花

送嵇爾還司李嚴州

花發春城碧草齊揚舲直指海雲西
洞簫香度吳趨月錦石潮連越女溪
朝日鏡臺臨過燕清冰官閣勝燃犀
懸知康樂耽幽興拂石重尋野客題

前年

以使事經過嚴州

其二

客星一擁羊裘臥風節東京起尺絲開閣正當垂
釣處看山須及送春時神仙仕宦兼巖壑今古登

臨解別離他日君房昇鼎軸故人狂態可相宜

送仲舉同爾遐南行

舊時增放亭前水絲管經心一紀遙桃葉諸郎多
髮白冠家紅袖亦香消殘春送客難禁雪歸艇當
門正上潮醉罷解携慙折贈長安梅柳總蕭條

其二

殊冬一棹穿湖過杯酒江山惜別時汝去試尋垂
柳路爲言吾負白鷗期富春上下峰全好早夏櫻
鮑味更宜到處追遊詩興健估船細寄老夫知

三月三日雪後

夜來急雪厚盈尺，天氣恰從卷幔新。
蘭亭千載已陳迹，蓬戶三日猶芳辰。
乍可山中臥高士，安得水邊行麗人。
楊花青鳥太岑寂，窮巷擁書公勿嗔。

其二

逢春小住爲佳耳，快雪時晴亦可憐。
暉暉風日漸寒食，泯泯花枝空暮烟。
幸好江南青絲竿，不爾大道黃金鞭。
衝泥得醉且須樂，贈藥乘閒非少年。

送方孟甲之晉陽

嶺表遙同汗漫遊江山萬里入扁舟詩成迴雁逢
青眼酒罷啼猿記白頭若同伊璠采子嶺南詩入詩可三月柳寒
燕地雪孤雲人隔太行秋幽并躍馬還悲壯莫歎
風塵老傲裘

三月廿三日見西山積雪

昨晨過雨愁沾濕亭午猶驚雪片飛寒勒杏花須
漸放青偷柳葉忍全稀層層烟壑浮空出滾滾風
沙托興違明日關東行戍者鳳城回首盡春暉

海昌恭順諸公流塞外

送伯紫從金陵之閩中

紀與臨岐但一醉贈詩不羨姑山多縱無佳句代
緩草應有清夢隨烟蘿閩南荔子五月熟舍東桃
葉三春波暫歸遠游亦快意安能塵土長婆娑

其二

到家團圞須并日江帆江水空瀰漫掩扉花霧愁
剝啄對酒羅袖重洗瀾

記昔年扣門一歡之事

營巢雙燕爭

哺子過城碧笋初抽竿卽爾牽衣情太劇何論我
輩分攜難

閏三月十二日張司空招集慈仁寺看海棠
余與洞門先至

松陰到寺人寂寂花枝當晝烟冥冥風輕亂紅時
一下雨過嫩苔無數青乍喜素蕊傾碧乳恰聞幽
鶯翻簷鈴主人不來客堅坐卽拚騎馬衝春星

其二

昨日王家好亭館短篇橫笛花飛翻只愁風雨太
狼籍豈意朋輩重攀援游騎頗聞減韋曲

韋公祠在左安

門外海棠甚盛今游人漸稀矣

騶車還幸過慈恩辛彝漸落楊柳

長西陵勝事從公論

司空領湖藩時課種
六橋花柳漸復舊觀

黃薛侯客部招集水亭陪吳江相國次劉何

寶韻

風簾乍捲夜忘歸重到芳洲興忍違雪後春波晴
更濶月中新檻醉堪依馬過疎樹猶騰踏禽語閒
沙無足非苦憶江南烟漲綠揮杯心逐暮鴻飛

吳江公冒雨先歸遣急足以和詩馳示卽於

紙尾奉答

雨過沙堤策馬歸深杏日燈燭伴初違池邊白傅吟

偏就香後苟公座可依三匝風烟朋舊共一春花
事鬢毛非長期阿閣開萋奉鷗鷺空天各自飛

喜仲生擢少宰

雪壓蒼崖對酒餘春風忽報草玄居文章命世官
仍達老大彈冠興已疎四海名流歸藻鏡他時顏
色借樵漁笑看彩筆臨牀罷辛苦山公撤棘書

其二

甘泉好時祈晴日除日驚同制詔新天意露雷高
莫測蒼生想望事全真行從東閣觀奇士頗惜芳

定山堂詩集

七言律詩
五

卷六

樽避貴人一語酒狂猶故態勿因台鼎學平津

謫後三遷至山林丞漫成一首

幽居物色青春晚忽點山公啓事名黃綬幾逢三
仕喜白頭難見一官成姓名宣室虛前席詞賦甘
泉媿長卿來往輕鷗知浩蕩江湖烟水夜來生

送夏山尊之新泰尉

花落春城送沈郎隔年又見紫藤香翩翩似汝爭
垂組鬱鬱吾誰對舉觴持版風流矜白晢捲簾嶽
色動青蒼官閒倘憶江南樂試望吳門匹練長

其二

兵後山城父老殘家家扶杖迂雕鞍祿微總愛桑
麻靜地瘠須知稅斂難明月千板連秦時春風簫
鼓記長安勿言枳棘飛騰薄多少雲霄暖眼看

李退菴通政招集秋舫雨中卽事

曾看雪裏桃花放幾日檐陰綠遂稠露葉田田齊
出水風槐颯颯欲生秋開樽鄉國同今雨種樹飄
零感舊游

庭桃甚茂乃梅村雪桃勸種者

還愛洞庭齋舫淨隱囊

碁局足淹留

宋其武太史招同諸子集季滄葦侍御齋中

時邁生而坐

同集者王襄璞姜定菴陳階六謝爾玄

雨深梧竹夜蒼蒼判醉衝泥樂未央何意飛霜驄

馬座翻聞拭汗粉巾香態憐瓊樹青雙鬢雪紅華

燈白一房

燃包稱修所製雪山燈

安得落花橫玉笛迴風直

墮酒人傍

雨中飲金紫紛給諫寓園奉陪吳江公

十年三醉疎林下更快新涼此度過素屋幽窓隨地好圓荷高柳卽今多圍牆樹黑鄰陰夜急雨雷

翻水面波太傅襟懷開別墅把碁瀟灑間清歌

送何實權關江州

花夕壺觴快盍簪驪珂愁對欲分襟十年仕宦風

雲始一望匡廬烟霧深應有遺賢栖栗里

爲子雲
登巖雷

岸諸若子幾時乘月到東林素絲綵服還相映估舶先

知却鮮心

其二

琵琶亭下潯陽水少小扁舟劃浪開五老前年猶
在眼片雲南去一登臺算緡須惜梯航力經國曾

定山堂詩集

七言律詩
三十七

卷三

卑管晏才今日清郎多禁闥丹霄早計及瓜迴

午日王襄璞方伯招同仲生其武階六滄葦

青嶼薛侯集金魚池

晴郊躋柳吾來晚尚有游人醉不歸
艾綠榴紅俱媚眼冰寒酒辣任沾衣
沙燈面面連星濶鄰鼓闐闐
趁月稀曾記吳闐蓮葉漿畫樓香捲暮潮飛

五月初八日雨雹

轟雷掣電攬晝眠起看庭樹飛黃烟
翻簷驟雨愁瓦裂墮地碎雹驚珠圓
汎蒲懸艾正夏令鳴條破

塊仍堯年齋宮露禱無虛日手調化瑟勞羣賢

和孫退谷少宰寄李梅公司馬

長干把袂何依依入雒自憐生計微病後雙扉祇
益睡人間萬事無如歸竹溪烟雨肯割宅蓼洲鷗
鳥還牽衣江天落日應搔首遙指退谷孤雲飛

疊前韻贈退谷

風塵飄泊吾何依芥舟丘壑豈細微圖書披玩晝
忘倦几榻坐臥賓如歸眼底零落已耆舊我曹蕭
條原布衣平津安昌幾赫奕厨車馬廐今灰飛

明末輔臣錄極
精覈可爲鑒戒

退谷將有山中之行再疊韻寄訊退翁亭子
藍田別業殘僧依三台之傍一少微韋曲杜曲花
無賴南山北山鴻自歸野亭茶香坐銷夏古陵松
須侵衣安能卜築共丹澗飽看竹裏紅泉飛

夏夜同蒿菴階六韻初石公集薛侯池亭再
疊壁間韻

冒雨來偏踏月歸涼陰能遣晚塵違塘寬幽草蛙
何語岸轉青燈螢自依窈窕寺當烟嶼出微茫沙

疊樹痕非東華幾客長高枕對酒那令心不飛

雨中同聖秋友沂過放生池晤徹機上人

琉璃殿西碧瓦翻巾車急雨如傾盆過階新水正
決溜到池幽客爭欵門地偏濠濮信魚樂泉飛井

甃驚猿奔

開池忽得古井二口

徑山雲霞五臺雪茶瓜茅屋

從深論

階六招同襄璞薛侯爾玄滄葦飲雙槐下隈

二韻

楚州酒人家釀開空庭布席沾蒼苔日午深杯到

殘漏燭斜涼露搖高槐避人諫草數報可交歡香
閣應無猜坐久豪興時一發玉山歆側仍崔嵬

其二

客子出門不聽去街西落月何紛紛安能對酒此
良夜但醉過眼皆浮雲吳儂簫鼓幾日歇江村鰕
菜天涯分最愛結交有嵇阮謹呼往往張吾軍

偶感

東鄰先生昨墮馬西第相君今免官盈虛門雀幾
朝暮摧頽棧豆空盤桓袁絲亡何惟飲酒曼容薄

祿代掛冠君勿拔劍歌行路太行沙道紛千盤

其二

赭衣有客行紫塞丹戟一宵生白楊朔風悲笳莽
蕭瑟東園秘器新輝煌賜環子玦事不意遺簪敝
屨恩何長當時疏傅重骸骨同日上書歸故鄉